



# Pecadoga Kai Pachamu Waigushkamunda



K'allaribiga  
Adanbish Evash  
k'uilladi lantashka  
Eden shuti  
jardinbi purisha  
Dios ima  
nishkadami  
ruragaguna.  
Diosgun kushilladi  
parlarigujkunami.



Milligunabi  
na alligunabi  
na puriga-  
gunachu.  
Diosta  
k'azunaga  
kabishka  
gashkada  
yachuga.





Diosga  
jardinda  
cuidachun  
Adandash  
Evadash  
chibi  
churuga.

Ñalla llakiguna kai  
pachamu waiguga.  
Jatun Dios  
rurashka tuki  
animalgunamunda  
culebrami  
manchanaidi  
yuyisapa gaga.





Culebraga Evada tapuga, "Kangunadaga  
jardinbi tiyashka maijin yuramundash ama  
mikunguillachu. ¿Dios shina nigachu?"

Shina tapuki warmiga  
"Kaibi maijin yuramundash  
miki pudinchilla; shinash  
yuraguna chaubibi tiyaj  
yurallamundami Dioska,  
'Chi yuramundaga p'akta  
micunguichichu; tupilla-  
dash p'akta tupungui-  
chichu,' nisha niga. Shina  
rurushaga wañushunmi,"  
nishami niga.





Ashtanbish culebraga  
warmidaga "iNa  
wañunguichimi! Dioska  
allimi yachan, kanguna  
chi yuramunda  
mikushaidijka kangunaj  
ñawiguna paskarij  
shinaga Diosma layaidi  
allidash na allidashmi  
yachujkuna tukunguichi.



Warmiga yuramunda granuga mikungaj alli gashkada  
shinaidi k'uitij rikunaidi gashkadash rikusha chi  
yuradaga yachuj tukungukish munanaidi gashkada  
rikushami ...

... granuda  
japishaga  
mikugami;  
chi k'ipaga  
kusamush  
kuga,  
shinaidi  
Adanbishmi  
mikuga.





Shina mikunlladimi  
ishkindijka paigunaj  
ñawiguna paskarij shina  
llatunllaguna gashkada  
yachi chayagaguna.  
Chimundami higos  
p'angagunada japisha  
sirushaga churanaguna-  
da rurusha taparigaguna.

P'unlla ña chiriyaguj horasmi yuraguna ukubi Jatun Dios purigujtami uyagaguna. Shinushami k'arish warmish




chi yuraguna ukubi Jatun Diosbuj ñaubujmunda mitikuj gakash Jatun Dioska k'aridaga, "¿Maibidi gangui?" nisha tapukimi paiga, "Yuraguna ukubimi Kan purigujta uyagani; Ilatunlla gashkamundami mancharisha mitikugani," niga.

Jatun Dioska, "¿Pidi kanmuga llatunlla gashkadaga nigari? Ñuka 'Ama mikunguichu' nishka yuramunda ¿mikuganguichu?" nisha tapuga.

K'ariga, "Ñukan igulda purichun Kan kushka warmimi chi yuramunda kukiga ñukash mikuganillami," nikimi Jatun Dioska warmidaga, "¿Imadadi rurashkangui?" nisha tapukiga, "Culebrami uma pilluki mikuganilla," niga.



Jatun Dioska  
culebradaga  
kashna niga,  
"Pambada  
llukusha purisha  
kambuj kausi  
p'unlandijtami  
achpada  
mikungui."



"Kununmunda ichimuga warmish kandaga p' iñangami.  
Kambish warmidaga p' iñanguimi.




Shinaidi kambuj  
wawagunaj  
wawagunash  
warmij  
maragunaj  
maragunash  
randimunda  
p' iñangami."

Jatun Dios warmidaga kashnami niga,



"Kambuj  
maragunada  
wachagushash na  
aguantibuj naninmi  
mirangui. Shina  
gakish kanga kusan  
gangudimi  
munangui, paimi  
kandaga mandanga."

K'aridash kashnami niga, "Kambuj tuki kausibimi nanin



manchanaidi shaikujta  
achpada trabajasha  
mikungui. Achpamunda  
llushichishka gasha chi  
achpallamundi  
vuel tungagamaga kambuj  
ñawibi jumbishkan  
trabajashami mikungui. Ñutu  
achpami gangui, ñutu  
achpallamundimi tigrangui."

Jatun Dioska  
Adanmush Evamush  
animalgunaj kara-  
gunan churanada  
rurasha churachisha  
Eden shuti yuraguna-  
da lantushka achpa-  
munda paiguna llujshi-  
chunmi kachaga.



Shina llujchishtasha kachashami yuraguna tiyashka Eden  
achpabiga ama kausida kuj yuramu kuchuyachun indi  
llujshina ladubiga espadan guardagunada churaga.



Adangun  
Evanga ishki  
churigunadami  
chariga.  
Legítimo  
churidaga  
Cainmi  
shuchigaguna,  
k'ipa churidaga  
Abelmi.